



INATSISARTUT

Aningaasaqarnermut Naalackersuisoq

Ulloq: 21. nov 2012

J.nr.: 01.31.06/12-00602

Aningaasaqarnermut Ataatsimiititaliap tallimangornermi ulloq 9. november 2012-imi aalajangiineranik Naalackersuisunut ilisimatitsineq (suliaq nr. 01.31.06/12-00602)

Peqqinnissaqarfimmut aningaasaliissutitut ilassutissanik 10,3 mio. koruuninik qinnuteqaat iluarsiiisutitalik

Naalackersuisut **inassutigaa**:

- kontomi pingaarnermi 34.12.03-mi, ataatsimut aningaasartuutini napparsimasunik angallassinernut il.il. tunngasumi, aningaasaliissutit 6.300.000 kr.-inik amerlineqassasut
- kontomi pingaarnermi 34.12.05-mi, nunatta nakorsaataasivianut tunngasumi, aningaasaliissutit 4.000.000 kr.-inik amerlineqassasut
- kontomi pingaarnermi 20.05.31-mi, kommunini aningaasartuutaanerusussanut immikkoortitanut tunngasumi, aningaasaliissutit 731.000 kr.-inik ikilineqassasut
- kontomi pingaarnermi 20.11.50-mi, ingerlatsinermut sillimmatitut tunngasumi, aningaasaliissutit 418.000 koruuninik ikilineqassasut
- kontomi pingaarnermi 20.11.70-mi, suliniutinut nutaanut sillimmatitut tunngasumi, aningaasaliissutit 1.000.000 kr.-inik ikilineqassasut
- kontomi pingaarnermi 30.01.03-mi, isumaginninneq pillugu pikkorissartitsinernut ilinniartitseqqinnernullu tunngasumi, aningaasaliissutit 2.000.000 kr.-inik ikilineqassasut
- kontomi pingaarnermi 30.10.45-mi, meeqqat inuusuttullu immikkut ittumik siliniuteqarfigineqarnerannut tunngasumi, aningaasaliissutit 1.000.000 kr.-inik ikilineqassasut
- kontomi pingaarnermi 30.14.29-imi, pinaveersaartitsinermut tunngasumi, aningaasaliissutit 1.000.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Peqqinnissaqarfimmut katillugit 10,3 mio. kr.-inik ilassutitut aningaasaliissuteqarnissaq Naalackersuisut suliami matumani qinnutigaat Naalackersuisut. Taakkunanga suliaasaqarfimmi 20-mi aamma 30-imi kontot assigiinngitsut appartinneqarnerisigut 6,15 mio. kr.-it aningaasalersorneqarput. Ilassutitut aningaasaliissuteqarnissamik qinnuteqaatip matuma akuersissutigineratigut IST-mi angusat 4,15 mio. kr.-inik ajorseriassapput.

Peqqinnissaqarfimmut aningaasaliissuteqaqqinnissap ukioq manna aammaarluni pisariaqarnera ataatsimiititaliamit ajusaarnartinneqarpoq, qinnuteqaalli allatut ajornartumik akuerisariaqarlugu. Illassutitut aningaasaliissuteqarnissamik qinnuteqaat 2011-imi 15 mio. kr.-inik illassutitut aningaasaliissuteqarnissamik qinnuteqaammit aningaasartakinnerusoq ataatsimiititaliamit maluginiarneqarpoq. (01.31.06/11-00553).

Qinnuteqaat tunngavigalugu Peqqissutsimut Naalakkersuisup apersorneqarnissamut aggersarneqarnissaa ataatsimiititaliamit pisariaqartinneqarsimavoq. Apersuineq ulloq 5. november ingerlanneqarpoq. 2011-imit sanilliullugu Peqqinnissaqarfik 2012-imi 15 aamma 19 mio. kr.-it akornanni naleqartumik pisariillisaasimassasoq naatsorsuutigineqartoq, taamaattorli 2012-imi aningaasartuutaanerussutaasut tamakkerlugit matussusersinnaanngorlugit pisariillisaaneq ingerlanneqarsinnaasimanngitsoq, apersuinermi paasissutissiissutigineqarpoq. Tamatumunnga ilaatigut pissutaapput napparsimasunik nunani allani katsorsaanerit amerlisimanerat aammalu katsorsaanerit pisariunerulersimallutillu akisunerulersimanerat.

Utoqqalinersiallit timmisartornermut billetsinut akikillisaassutit atorunnaarnerat kiisalu utaqqisunik ikilisaanermut atatillugu timmisartumik angalasut amerlinerat konto pingaarnermi 34.12.03-mi, ataatsimut aningaasartuutini napparsimasunik angallassinernut il.il. tunngasumi, 3,5 mio. kr.-inik atuinerussuteqarnermut pissutaasut ataatsimiititaliamit maluginiarneqarpoq, naak utoqqalinersiallit timmisartornermut billetsinut akikillisaassutit 2010/2011-mi atorunnaaraluartut, taamaattumillu tamatuma 2012-imi aningaasanut inatsimmut ilanngullugu missingersuutigineqarnissaa periarfissaqarsimagaluartoq. Konto pingaarnermi tassani 2011-imi 2,7 mio. kr.-inik illassutitut aningaasaliissuteqarnissamik qinnuteqartoqarsimanagera eqqarsaatigalugu 2012-imi aningaasanut inatsimmi piviusorsiornerusumik missingersuusiortoqarnissaa naatsorsuutigineqarsinnaagaluarpoq. Billetsinik inniminniisarnerup pitsanngortinneratigut pisariillisaanikkullu missingersuutit eqqortinneqarsinnaasut taamani nalilerneqarsimasoq Peqqissutsimut Naalakkersuisup apersorneqarnermini paasissutissiissutigaa. Tamanna tunngavigalugu Peqqinnissaqarfimmut illassutitut aningaasaliissuteqarneq pillugu 2011-mi aalajangiinermini kaammattuutimi uteqqinnissaa Aningaasaqarnermut Ataatsimiititaliap pisariaqartutut isigaa. Taamani ataatsimiititaliamit kaammattuutigineqarpoq napparsimasut Peqqinnissaqarfiliartut akikillisaassuteqarfigineqarsinnaanissaat pillugu Naalakkersuisut Air Greenlandimut isumaqatiginninniarsinnaalluartut. Tamanna suli atuuttutut isigineqarpoq.

Ataatsimiititaliap paasinninnera malillugu aningaasaqarnikkut annertuumik pisariillisaasoqarpoq, tamannalu pitsaasuvoq. Nunani allani katsorsaanerit ilaanni sipaaruteqarnerit napparsimasut amerlanerulernerisigut kiisalu napparsimasut pisariunerusumik akisunerusumillu katsorsarneqartalernerisigut nungunneqartartut Peqqissutsimut Naalakkersuisup paasissutissiissutigaa. Tamanna ukiuni arlaluinni atuussinnaasutut ataatsimiititaliamit isigineqarpoq. Kiisalu nakorsaatitut aningaasartuutit amerleriarsimapput, naallu nakorsaatinik pisinermut piffissami aggersumi sipaaruteqartoqartussaagaluartoq nakorsaatinik immikkut ittunik akisunerusunillu pisariaqartitsineq pissutigalugu nakorsaatitut aningaasartutit siunissami aamma amerlanerulersinnaanerit aarleqqutigineqarsinnaavoq.

Konto pingaarnermut 20.05.31-imut, 20.11.50-imut aamma 20.11.70-imut missingersuutitut ilanngussani kukkuneqarpoq, taakkunani allassimalluni aningaasat utaqqisunik ikilisaanermut aammalu missingersuutitut qaangiinernut atorneqartussatut qinnutigineqartut. Tamanna pillugu Naalakkersuisoq ilisimatinneqarpoq paasissutissiissutigaaalu tamanna iluarsineqassasoq, taamaalillunilu allassimalissasoq angalanerit amerlinerannut kiisalu nakorsaatinik pisinernut atorneqassasut.

Aningaasaqarnermut Ataatsimiititaliap aalajanqiinera

Siuliani allassimasutut paasinnilluni aammalu missingersuutitut ilanngussat iluarsisat, 2012-imi ilassutitut aningaasaliissutitut inatsimmi ilaasussat, Aningaasaqarnermut Ataatsimiititaliamut kingusinnerpaamik ulloq 7. december 2012-imi nassiunneqarnissaat **tunnngavissaatillugu** Naalakkersuisut inassuteqaataat ataatsimiititaliamit **akuerineqarput**.

Aningaasaqarnermut Ataatsimiititaliaq

Andreas Uldum
Ataatsimiititaliap siulittaasua

Assineri: Ilaqutariinnermut Peqqissutsimullu Ataatsimiititaliaq
Kukkunersiuinnermut Ataatsimiititaliaq